

SA's Leading Past Year

Exam Paper Portal



You have Downloaded, yet Another Great  
Resource to assist you with your Studies 😊

Thank You for Supporting SA Exam Papers

Your Leading Past Year Exam Paper Resource Portal

Visit us @ [www.saexampapers.co.za](http://www.saexampapers.co.za)



**SA EXAM  
PAPERS**



# basic education

Department:  
Basic Education  
**REPUBLIC OF SOUTH AFRICA**

## **NATIONAL SENIOR CERTIFICATE**

**KEREITE YA 12**

**SESOTHO PUO YA LAPENG (HL)**

**PAMPIRI YA BORARO (P3)**

**HLAKOLA/TLHAKUBELE 2018**

**MEMORANDAMO**

**MATSHWAO: 100**

**Pampiri ena e na le maqephe a 9.**

**KAROLO YA A: MOQOQO****1.1 Ka tla ka ipitsetsa mokgokakgwale!**

Moqoqong ona mohlalobuwa o lokela ho qoqa ka seo a ileng a se etsa ho ipitsetsa mokgokakgwale oo a qoqang ka ona.

**Dikahare tse ka lebellwang e ka ba tsena tse latelang:**

- Mohlahlobuwa a qoqe ka ketsahalo e itseng e ikamahanyang le sehlooho.
- A ka qoqa a hlakisa hore o ile a sirelwa ke eng e ileng ya etsa hore a se ke a lemoha hore seo a se etsang se tla mo kenya mathateng.

**[50]****1.2 Kabo ya mobu e ka rarollwa ke mmuso le setjhaba ka kopanelo.**

Moqoqong ona mohlalobuwa o lokela ho qoqa ka tharollo ya kabo ya mobu.

**Dikahare tse ka lebellwang e ka ba tsena tse latelang:**

- Mohlahlobuwa a ka qoqa ka diphephetso tse tlišwang ke kgaello ya mobu bathong ba bang le ditsela tseo mmuso le setjhaba mmoho ba ka thusanang kateng tharollong ya qaka ya mobu.

**[50]****1.3 Lehlabula le monate empa hape le na le mathata a lona.**

Moqoqong ona mohlalobuwa o lokela ho qoqa ka sehla sa lehlabula a bontsha botle le mathata a sona.

**Dikahare tse ka lebellwang e ka ba tsena tse latelang:**

- Mohlahlobuwa a ka qoqa ka ho hlalisa tse monate tse tlišwang ke lehlabula le mathata a bang teng ka lebaka la sehla sa hlabula.

**[50]****1.4 'Ha o bua le motho ka puo ya hae eo a e utlwisang, o kgona ho finyella botebong ba pelo ya hae.'**

Moqoqong ona mohlalobuwa o lokela ho qoqa ka ditsela tseo a kgonang ho fihlella botebo ba pelo ya motho ka puo kateng.

**Dikahare tse ka lebellwang e ka ba tsena tse latelang:**

- Mohlahlobuwa a ka qoqa ka ditsela tseo puo e kgonang ho finyella pelong ya motho kateng.

**[50]****1.5 Ha se meetlo yohle e amohelehang matsatsing a kajeno. Dumellana kapa o hanane le mohopolo ona.**

Moqoqong ona mohlalobuwa o lokela ho qoqa ka meetlo e fapaneng, feela a sekamele lehlakoreng le le leng.

**Dikahare tse ka lebellwang e ka ba tsena tse latelang:**

- Mohlahlobuwa a ka qoqa ka seabo sa meetlo maphelong a batho.
- Mohlahlobuwa a ka qoqa ka bohlokwa ba meetlo le kamoo e seng e se bohlokwa mehleng ena

**[50]**

**1.6 Metsi ke mohlodi wa bophelo.**

Moqoqong ona mohlalobuwa o lokela ho qoqa ka bohlokwa ba metsi bophelong ka kakaretso.

**Dikahare tse ka lebellwang e ka ba tsena tse latelang:**

- Mohlahobuwa a ka qoqa ka mehlodi e fapaneng ya metsi le kamoo e seng e le leqeme kateng.
- A ka boela a qoqa kamoo metsi a ka baballwang kateng le mehato e ka nkuwang kgahlanong le ba senyang metsi.

**[50]****1.7 Setshwantsho sa 1.7.1 le sa 1.7.2:**

Moqoqong ona mohlalobuwa o boha setshwantsho, mme o iqapela sehlooho a itshetlehile ka mohopolo wa sehlooho o qholoditsweng ke setshwantsho seo a se kgethileng.

**[50]****MATSHWAO OHLE A KAROLO YA A:****50**

**KAROLO YA A: RUBURIKI YA HO LEKANYETSA MOQOQO – (MATSHWAO A 50) SESOTHO PUO YA LAPENG (HL) – SLKT**

| Makgetha a ho lekanyetsa                                                                                                                                                                                              | Phihlello e babatsehang                                                                                                                                                                                                                                                                                                                                                                | Phihlello e supang bokgoni                                                                                                                                                                                                                                                                                  | Phihlello e mahareng                                                                                                                                                                                                                                                                                                          | Phihlello ya motheo feela                                                                                                                                                                                                                                                  | Phihlello e haellang                                                                                                                                                                                                            |
|-----------------------------------------------------------------------------------------------------------------------------------------------------------------------------------------------------------------------|----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|-------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|-------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|----------------------------------------------------------------------------------------------------------------------------------------------------------------------------------------------------------------------------------------------------------------------------|---------------------------------------------------------------------------------------------------------------------------------------------------------------------------------------------------------------------------------|
| <b>DIKAHARE LE MORALO</b><br>Tshekatsheko ya sehlooho: tlhophiso ya mehopolole dintlha, kelohlolo ya baamohedi ba ditaba, maikemisetsa le maemo                                                                       | <b>28–30</b>                                                                                                                                                                                                                                                                                                                                                                           | <b>22–24</b>                                                                                                                                                                                                                                                                                                | <b>16–18</b>                                                                                                                                                                                                                                                                                                                  | <b>10–12</b>                                                                                                                                                                                                                                                               | <b>4–6</b>                                                                                                                                                                                                                      |
|                                                                                                                                                                                                                       | -nehelano e bontshang kutlwisiso e babatsehang ya sehlooho e supang bokgoni bo ikgethang<br>-mehopolole e bontsha boqhetseke, e phepetsa monahano, mme ke e sutsitseng<br>-e hlophisitswe hantle ka tsela e ikgethang/babatsehang, mme e momahane ka tshwanelo ho kenyeditswe selelekela, mmele le qetelo                                                                              | -nehelano e ralehleng hantle haholo<br>-mehopolole e tsamaellana le sehlooho ka botlalo, e a kgahlisa mme e na le bopaki ba mehopolole e sutsitseng<br>-o hlophisitswe hantle haholo ka tsela e ikgethang, mme o momahane ka tshwanelo ho kenyeditswe selelekela, mmele le qetelo                           | -nehelano ke e kgotsofatsang ditlokeho<br>-mehopolole e momahane ka tsela e kgotsofatsang le e kgodisang<br>-o hlophisitswe ka tsela e utlwisisehang, mme o momahane ka tshwanelo ho kenyeditswe selelekela, mmele le qetelo                                                                                                  | -nehelano e momahane mona le mane<br>-mehopolole ke e seng ya boiqapelo, mme e sa hlakang<br>-ho na le bopaki bo seng bokae ba tlhophiso le momahano ya nehelano                                                                                                           | -nehelano e tswile lekoteng ho hang<br>-mehopolole ke e sa tsepamang e dubakaneng<br>-ha e utlwahale, mme dintlha di a phetakakwa<br>-ha e a hlophiswa ka tshwanelo le momahano ha e yo                                         |
|                                                                                                                                                                                                                       | <b>25–27</b>                                                                                                                                                                                                                                                                                                                                                                           | <b>19–21</b>                                                                                                                                                                                                                                                                                                | <b>13–15</b>                                                                                                                                                                                                                                                                                                                  | <b>7–8</b>                                                                                                                                                                                                                                                                 | <b>0–3</b>                                                                                                                                                                                                                      |
|                                                                                                                                                                                                                       | -mosebetsi o tswileng matsoho le ha o haellwa ke dintlha tse ikgethang tsa moqoqo o babatsehang<br>-mehopolole ke e sutsitseng mme e bontsha boqhetseke<br>-o hlophisitswe hantle ka tsela e bontshang bokgoni, mme o momahane ka tshwanelo ho kenyeditswe selelekela, mmele le qetelo                                                                                                 | -Nehelano e radilweng hantle<br>-mehopolole ke e loketseng, mme e thahasellisang<br>-o hlophisitswe hantle ka tsela e ikgethang, mme o momahane ka tshwanelo ho kenyeditswe selelekela, mmele le qetelo                                                                                                     | -nehelano e a kgotsofatsa le ha e sa hlaka mona le mane<br>-mehopolole e momahane le ho kgodisa ka tsela e mahareng<br>-ho na le tlhophiso le momahano e itseng ho kenyeditswe le selelekela, mmele le qetelo                                                                                                                 | -nehelano bohola e tswile lekoteng<br>-mehopolole ha e a momahane ka tshwanelo, mme e a lahlehisa<br>-nehelano ha e na bopaki ba tlhophiso le momahano                                                                                                                     | -boiteko ha bo yo ba ho arabela sehlooho<br>-mehopolole e tswile lekoteng ka ho phetahala, ha e a nepahala<br>-nehelano ha e a tsepama sehloohong, mme e dubakane                                                               |
| <b>Matshwao a: 30</b>                                                                                                                                                                                                 |                                                                                                                                                                                                                                                                                                                                                                                        |                                                                                                                                                                                                                                                                                                             |                                                                                                                                                                                                                                                                                                                               |                                                                                                                                                                                                                                                                            |                                                                                                                                                                                                                                 |
| <b>PUO, SETAELE LE TOKISO YA DIPHOSO</b><br>Sehlo, rejiisetara, setaele, tlhotlontse ke tse lokelang sepheo/tshusumetso le maemo<br>Kgetho ya mantswe<br>Tshebediso ya puo le tlwaelo, matshwao a ho bala le mopeleto | <b>14–15</b>                                                                                                                                                                                                                                                                                                                                                                           | <b>11–12</b>                                                                                                                                                                                                                                                                                                | <b>8–9</b>                                                                                                                                                                                                                                                                                                                    | <b>5–6</b>                                                                                                                                                                                                                                                                 | <b>0–3</b>                                                                                                                                                                                                                      |
|                                                                                                                                                                                                                       | -sehalo, rejiisetara, setaele le tlhotlontse di loketse sepheo ka tsela e babatsehang, baamohedi ba ditaba mmoho le maemo<br>-tshebediso ya hae ya puo e a ikgetha, mme e bontsha boitshepo ka tsela e tsotshang<br>-o sebedisitse sehalo se matla, mme se susumetsang ka tsela e ikgethang<br>-o batla o hloka diphoso tsa puo le tsa mopeleto<br>-o radilwe ka bokgoni bo tsotshang. | -sehalo, rejiisetara, setaele le tlhotlontse di loketse sepheo, baamohedi ba ditaba mmoho le maemo haholo<br>-tshebediso ya puo e matla, mme ho sebedisitswe sehalo se loketseng ka nako tsohle<br>-bohola ba mosebetsi ha o na diphoso tsa tshebediso ya puo le mopeleto<br>-o radilwe hantle ka tshwanelo | -sehalo, rejiisetara, setaele le tlhotlontse di loketse sepheo, baamohedi ba ditaba mmoho le maemo<br>-tshebediso ya puo ke e loketseng, mme e fetisa moelelo ka tshwanelo<br>-puo ya bonono ke e loketseng, mme e sebedisitswe ka tshwanelo<br>-sehalo se sebedisitswe ka tshwanelo:<br>-o radilwe ka tsela e mahareng feela | -sehalo, rejiisetara, setaele le tlhotlontse ha di a lokela sepheo, baamohedi ba ditaba mmoho le maemo<br>-puo e sebedisitswe feela ka tsela ya motheo<br>-sehalo mmoho le moelelo o hlalishang ke tema ke tse sa lokelang<br>-ho sebedisitswe tlhotlontse ya motheo feela | -puo e sebedisitsweng ha se e utlwisisehang<br>-sehalo, rejiisetara, setaele le tlhotlontse ha di a lokela baamohedi ba ditaba, sepheo le maemo<br>-tshebediso ya tlhotlontse e haellang haholo hoo nehelano e sa utlwisisehang |
|                                                                                                                                                                                                                       | <b>13</b>                                                                                                                                                                                                                                                                                                                                                                              | <b>10</b>                                                                                                                                                                                                                                                                                                   | <b>7</b>                                                                                                                                                                                                                                                                                                                      | <b>4</b>                                                                                                                                                                                                                                                                   |                                                                                                                                                                                                                                 |
|                                                                                                                                                                                                                       | -tshebediso ya puo ke e nepahetseng, mme e susumetsang sehalo sa tema<br>-o batla o hloka diphoso tsa puo le tsa mopeleto<br>-o radilwe ka bokgoni bo tsotshang                                                                                                                                                                                                                        | -tshebediso ya puo ke e sefutho, mme e loketseng maemo<br>-sehalo ke se matla, mme se loketseng<br>-ho na le diphoso tse seng kae tsa puo le tsa mopeleto<br>-o radilwe hantle                                                                                                                              | -tshebediso ya puo ke e kgotsofatsang le ha ho na le ho sa tsamaellane mona le mane<br>-Ka kakaretso sehalo ke se loketseng le ha puo ya bonono e le e haellang                                                                                                                                                               | -puo ke ya motheo feela, mme e sebedisitswe ka tsela e haellang<br>-popeho ya dipolelo ke e tshwanang e se nang motswako<br>-tlhotlontse e haella haholo feela                                                                                                             |                                                                                                                                                                                                                                 |
| <b>Matshwao a: 15</b>                                                                                                                                                                                                 |                                                                                                                                                                                                                                                                                                                                                                                        |                                                                                                                                                                                                                                                                                                             |                                                                                                                                                                                                                                                                                                                               |                                                                                                                                                                                                                                                                            |                                                                                                                                                                                                                                 |
| <b>SEBOPEHO</b><br>Makgetha a tema: popeho ya dipolelo le kgodiso ya diratswana le bolele bo hlokehang                                                                                                                | <b>5</b>                                                                                                                                                                                                                                                                                                                                                                               | <b>4</b>                                                                                                                                                                                                                                                                                                    | <b>3</b>                                                                                                                                                                                                                                                                                                                      | <b>2</b>                                                                                                                                                                                                                                                                   | <b>0–1</b>                                                                                                                                                                                                                      |
|                                                                                                                                                                                                                       | -kgodiso ya sehlooho ke e babatsehang<br>-katoloso ya dintlha ke e ikgethang<br>-dipolelo le diratswana di bopilwe ka tsela e ikgethang                                                                                                                                                                                                                                                | -dintlha ke tse loketseng, mme tse hodisang sehlooho<br>-momahano e bopilweng ke e supang bokgoni<br>-dipolelo le diratswana di loketse nehelano, mme di fapafapanngwa ka tshwanelo                                                                                                                         | -dintlha tse loketseng di hodisa sehlooho ka tsela e mahareng<br>-dipolelo le diratswana di bopilwe ka tsela e mahareng<br>-moqoqo o ntse o hlalisa moelelo                                                                                                                                                                   | -tse ding tsa dintlha ke tse utlwahalang<br>-dipolelo le diratswana di na le diphoso<br>-moqoqo o a utlwisiseha le ha o le diphoso                                                                                                                                         | -dintlha tsa bohlokwa di a haella<br>-dipolelo le diratswana tse hlalishitsweng ke tse fosahetseng<br>-moqoqo ha o na moelelo o lebeleletsweng                                                                                  |
| <b>Matshwao a: 5</b>                                                                                                                                                                                                  |                                                                                                                                                                                                                                                                                                                                                                                        |                                                                                                                                                                                                                                                                                                             |                                                                                                                                                                                                                                                                                                                               |                                                                                                                                                                                                                                                                            |                                                                                                                                                                                                                                 |

**SENOTLOLO SA HO TSHWAYA:**

| <b>Makgetha a tekanyetso</b>        | <b>Matshwao</b> | <b>Senotlolo</b> |
|-------------------------------------|-----------------|------------------|
| Dikahare le Moralo                  | 30              | DM =             |
| Puo le Setaele le Tokiso ya diphoso | 15              | PST =            |
| Sebopeho                            | 05              | Seb =            |
| <b>Matshwao ohle</b>                | <b>50</b>       |                  |

**KAROLO YA B: DITEMA TSA KGOKAHANO****POTSO YA 2****2.1 LENGOLO LA SEMMUSO****Sebopeho**

- Aterese di pedi. Aterese ya mongodi wa lengolo e ngolwa ho tloha mahareng a leqephe ho leba letsohong le letona, e nto latelwa ke letsatsi, kgwedi le selemo;
- Aterese ya ya ngollwang e ngolwa ka letsohong le letshehadi. E qala ka maemo a tshebetso a ya ngollwang ebe ho latela aterese ya hae ka botlalo;
- Tlasa aterese ho ngolwa tumedisso (Monghadi, mofumahadi kapa mofumahatsana);
- Tlasa tumedisso ho ngolwa mola wa sehlooho – o totobatsang sepheo sa lengolo, e nto ba selelekela;
- Qetelo ke ya semmuso, mme e ngolwa e le '*Ka botshepehi, Ka boikokobetso* jj;
- Ya ngolang o ngola lebitso la hae ka botlalo ka mora qetelo, ebe o a saena.

**Dikahare:**

- Mohlahlobuwa a ka hlahisa sepheo sa lengolo e leng ho lemohisa mmasepala ka phoso e etsahetseng mokitlaneng.
- a ka hlalosa kamoo a lebelletseng ho thuswa kateng.

**[25]****2.2 PUO**

Puo ya mofuta ona e etswa kopanong ya setjhaba e mabapi le tthekefetso ya basadi le bana.

**Dikahare:**

- Mohlahlobuwa o tla hlahisa sepheo sa ho tla tshetleha puo.
- a ka hlalosa mehato eo setjhaba se lokelang ho e latela ho itshirelletsa kgahlanong le tthekefetso.

**[25]****2.3 TEKOLOKAKARETISO****Sebopeho**

Sepheo sa boikgopotso ba baesekopo (filimi) ke ho nehelana ka tlhahisoleseding ka baesekopo a ileng a e shebella le ho tsosa thahasello mabapi le yona;

- ya ngolang boikgopotso o na le kgetho ya ho nka ntlhakemo e itseng a be a hlahise mohopolo wa hae mabapi le ntlhakemo eo ya hae;
- babadi ba tla etsa qeto ya ho e shebella kapa ho se shebelle baesekopo eo ba itshetlehile ka nehelano ya mohlahlobuwa.

**Dikahare:**

- Mohlahlobuwa a ka qoqa a bua ka se mo hohetseng ho ya shebella setshwantsho.
- a ka qoqa ka baphetwa le tikoloho mmoho le boitshetleho le seo a ithutileng sona setshwantshong seo.

**[25]**

**2.4 LENGOLO LE YANG KORANTENG****Sebopeho**

- Aterese di pedi. Aterese ya mongodi wa lengolo e ngolwa ho tloha mahareng a leqephe ho leba letsohong le letona, e nto latelwa ke letsatsi, kgwedi le selemo;
- Aterese ya ya ngollwang e ngolwa ka letsohong le letshehadi. E qala ka maemo a tshebetso a ya ngollwang ebe ho latela aterese ya hae ka botlalo;
- Tlasa aterese ho ngolwa tumedisso (Monghadi, mofumahadi kapa mofumahatsana);
- Tlasa tumedisso ho ngolwa mola wa sehlooho – o totobatsang sepheo sa lengolo, e nto ba selelekela;
- Qetelo ke ya semmuso, mme e ngolwa e le '*Ka botshepehi, Ka boikokobetso* jj;
- Ya ngolang o ngola lebitso la hae ka botlalo ka mora qetelo, ebe o a saena.

**Dikahare:**

- Mohlahlobuwa a ka ngola a eletsa setjhaba mabapi le seabo sa batjha ho thibeleng ho thuba malapeng.

**[25]****2.5 PUISANO****Sebopeho:**

E ngolwa ka mehla e le ho puo ya mmui, empa matshwao a di a bulwa di a kwalwa ha a sebediswe. Lebitso la sebui le ngolwe ka letsohong le letshehadi la leqephe, le bile le latelwa ke letshwao la kgutlopedi.

Motshwayi a ananele nehelano efe kapa efe ya mohlahlobuwa ha feela e ikamahantse le sehlooho seo mohlahlobuwa a ikgethetseng sona.

**Dikahare:**

- Mohlahlobuwa a ka hlalosa bohlokwa ba ho fumana lengolo la ho kganna.
- a ka qoqa ka bobbe ba ho tlohela sekolo ha o se o fumane lengolo la ho kganna hore a be le bokamoso bo tjhabileng.

**[25]****2.6 NALANE YA TSA BOPHELO BA MOFU/OBITJHUARI****Sebopeho:**

Ena ke tema eo ho yona ho ngollwang ditaba tse amanang le mofu;

- mohlahlobuwa o lokela ho ngola mabitso a mofu le a batswadi hammoho le fane ya mofu;
- a ngole ka tlhaho ya mofu: sebaka moo a hlahetseng teng, letsatsi la tswalo le selemo;
- a bolele tsa kgolo ya mofu: dithuto, mosebetsi le lenyalo (ebang a nyetse);
- a hlalose tsa lefu la hae: letsatsi le mokgwa oo a hlokaletseng ka wona;
- a bolele maballo: bao a ba siyang;
- a mo reneketse ka ho phetha hakgutshwanyane seboko sa mofu.

**[25]****MATSHWAO OHLE A KAROLO YA B:****50****MATSHWAO OHLE A PAMPIRI ENA:****100**

**RUBURIKI YA HO LEKANYETSA TEMA YA KGOKAHANO – SESOTHO PUO YA LAPENG [MATSHWAO A 25]**

| <b>Makgetha a ho lekanyetsa</b>                                                                                                                                                                                                                     | <b>Phihlello e babatsehang</b>                                                                                                                                                                                                                                                                                                                                                                | <b>Phihlello e supang bokgoni</b>                                                                                                                                                                                                                                                                                        | <b>Phihlello e mahareng</b>                                                                                                                                                                                                                                                                                                                                                 | <b>Phihlello ya motheo feela</b>                                                                                                                                                                                                                                                                                                                       | <b>Phihlello e haellang</b>                                                                                                                                                                                                                                                                                         |
|-----------------------------------------------------------------------------------------------------------------------------------------------------------------------------------------------------------------------------------------------------|-----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|--------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|-----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|--------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|---------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| <b>DIKAHARE, MORALO LE SEBOPEHO</b><br><br>(Nehelano le mehopolo)<br>Ho rala, ho hlophisa mehopolo<br>Kelohlolo ya maikemisetso, baamohedi ba ditaba le maemo<br><br><b>MATSHWAO A 15</b>                                                           | <b>13–15</b><br><br>-Nehelano e babatsehang ya sehlooho e supang bokgoni bo ikgethang<br>-Mehopolo e matla e sutsitseng<br>-Tsebo e batsi ya makgetha a mofuta ona wa tema<br>-Nehelano ha e kgere e tsepame sehloohong<br>-Mehopolo le dikahare ke tse momahaneng, tse hlalositsweng ka botebo, mme dintlha di tshehetsa sehlooho<br>-Sebopeho ke se loketseng se nang le diphoso tse mmalwa | <b>10–12</b><br><br>-Nehelano e ntle haholo e bontshang tsebo e ntle ya makgetha a mofuta ona wa tema<br>-Nehelano ha e kgere e tsepame sehloohong<br>-Mehopolo le dikahare ke tse momahaneng, tse hlalositsweng ka botebo, mme dintlha di tshehetsa sehlooho<br>-Sebopeho ke se loketseng se nang le diphoso tse mmalwa | <b>7–9</b><br><br>-Nehelano e lekaneng e bontshang tsebo ya makgetha a mofuta ona wa tema<br>-Nehelano ha e a tsepama sehloohong ka ho phethahala ho na le ho kgera ho itseng<br>-Mehopolo le dikahare di na le momahano e amohelhang<br>-Ke dintlha tse itseng feela tse tshehetsang sehlooho<br>-Ka kakaretso sebopeho ke se loketseng empa se nang le diphoso tse itseng | <b>4–6</b><br><br>-Nehelano ya motheo e bontshang tsebo ya makgetha a itseng feela a mofuta ona wa tema<br>-Nehelano e na le tsepamo e itseng feela sehloohong empa e a kgera<br>-Mehopolo le dikahare ha se ka mehla di momahaneng<br>-Sehlooho se tshehetswa ke dintlha tse itseng feela<br>-Sebopeho se fofo feela, mme se na le bohlotso bo boholo | <b>0–3</b><br><br>-Nehelano e totobatsa kgaello ya tsebo ya makgetha a mofuta ona wa tema<br>-Moelelo o nyotobetswa ke ho kgera ho hoholo<br>-Mehopolo le dikahare ha di na momahano<br>-Ke dintlha tse mmalwa haholo tse tshehetsang sehlooho<br>-Ha ho na boiteko bo entsweng ho sebedisa sebopeho se nepahetseng |
| <b>PUO, SETAELE LE TOKISO YA DIPHOSO</b><br><br>Sehalo rejistara, setaele, maikemisetso, baamohedi ba ditaba le maemo<br>Tshebediso ya puo, tlwaelo ya tshebediso ya puo, kgetho ya mantswe, matshwao a puo le mopeleto<br><br><b>MATSHWAO A 10</b> | <b>9–10</b><br><br>-Sehalo, rejistara, setaele le tlotlontswe di loketse ka ho fetisisa maikemisetso, baamohedi ba ditaba le maemo<br>-Tshebediso ya puo e nepahetse e bile e bopehile hantle<br>-Nehelano ha e na diphoso                                                                                                                                                                    | <b>7–8</b><br><br>-Sehalo, rejistara, setaele le tlotlontswe di loketse ka ho fetisisa maikemisetso, baamohedi ba ditaba le maemo<br>-Ka kakaretso tshebediso ya puo ke e nepahetseng e bileng e bopehile hantle<br>-Tshebediso ya tlotlontswe e ntle haholo<br>-Nehelano boholo ha e na diphoso                         | <b>5–6</b><br><br>-Sehalo, rejistara, setaele le tlotlontswe di loketse maikemisetso, baamohedi ba ditaba le maemo<br>-Nehelano e na le diphoso tse itseng tsa tshebediso ya puo<br>-Tshebediso ya tlotlontswe ke e lekaneng<br>-Diphoso ha se tse nyotobetsang moelelo                                                                                                     | <b>3–4</b><br><br>-Sehalo, rejistara, setaele le tlotlontswe ha di a lokela maikemisetso, baamohedi ba ditaba le maemo hantle<br>-Tshebediso ya puo e fosahetse e bile e tletse diphoso tse ngata<br>-Tshebediso e seng kae ya tlotlontswe<br>-Moelelo o nyotobeditse                                                                                  | <b>0–2</b><br><br>-Sehalo, rejistara, setaele le tlotlontswe ha di dumellane le maikemisetso, baamohedi ba ditaba le maemo<br>-Nehelano e tletse diphoso e dubakane<br>-Tlotlontswe ha e dumellane le maemo<br>-Moelelo o nyotobeditse haholo                                                                       |

**KAROLO YA B: DITEMA TSA KGOKAHANO****SENOTLOLO SA HO TSHWAYA:**

| <b>Makgetha a Tekanyetso</b>      | <b>Matshwao</b> | <b>Senotlolo</b> |
|-----------------------------------|-----------------|------------------|
| Dikahare, Moralo le Sebopeho      | 5               | DMS. =           |
| Puo, Setaele le Tokiso ya diphoso | 10              | PST =            |
| <b>Matshwao ohle</b>              | <b>25</b>       |                  |